

დადგენილება #ეპ. 0525-22
გაფრთხილების სახით ადმინისტრაციული სახდელის
დადების შესახებ

თბილისი

07 ივლისი 2022

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისია, კომისიის თავმჯდომარე
ნინელი ბოჭორიშვილი

2. საქმის განხილვის თარიღი: 2022 წლის 07 ივლისი

3. ცნობები პირის შესახებ, რომლის მიმართ განიხილება საქმე:

შპს „ეიჩ-2“

მდებარე, იურიდიული მისამართი: ქ.ბათუმი, ლეხ და მარია კაჩინსკების ქუჩა #3

საიდენტიფიკაციო კოდი #445526093

ფაქტობრივი ადგილსამყოფელი: ქ.ბათუმი, ლეხ და მარია კაჩინსკების ქუჩა #5ა

4. საქმის განხილვისას დადგინდა შემდეგი გარემოებები:

2022 წლის 06 ივლისს, ქ.ბათუმში, ლეხ და მარია კაჩინსკების ქუჩა #5ა-ში რეგისტრირებული აბონენტის შპს „ეიჩ-2“-ს (აბონენტის №6011072471) აღრიცხვის კვანძის შემოწმებისას, აღმოჩნდა, რომ აბონენტის მიერ მოხმარებული ელ.ენერგია აღრიცხვებოდა ორი მრიცხველით, დაზიანებული იყო ორივე მრიცხველის (#00597410-ისა და #0057403-ის) ქვედა ხუფის ლუქები. აღრიცხვის კვანძში ხელობნურად ჩამატებული იყო დენის ტრანსფორმატორები, რაც იწვევდა ელ.ენერგიის არასწორ აღრიცხვას, აღნიშნული ქმედება, წარმოადგენს სამართალდარღვევას, რაზედაც შედგა სამართალდარღვევის ოქმი ას №009431. შპს „ეიჩ-2“-ს მიმართ 2022 წლის 06 ივლისს შედგენილ

სს „ენერგო-პრო ჯორჯია“

ადმინისტრაციული სამართალდარღვევის №009431 ოქმს ხელი მოაწერა ობიექტის წარმომადგენელმა, რეფიკ კაიტაშვამ, რომელსაც იქვე გადაეცა ადმინისტრაციული სამართალდარღვევის ოქმი. მან ოქმში, ახსნა-განმარტების გრაფაში, აღიარა ელ.ენერჯის დატაცების ფაქტი, აღნიშნა რომ მსგავსი ქმედება აღარ განმეორდება.

შპს „ეიჩ-2“-ს მიერ ელ.ენერჯის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 07 ივლისს ელექტრონულად გამოგზავნილი ინფორმაციით. საქმეში, ასევე, წარმოდგენილია 06.07.2022 წლის №A965241 და # A 965222 აღრიცხვის კვანძის შემოწმება-მიღების აქტები, რომლებითაც ასევე დასტურდება შპს „ეიჩ-2“-ს მიერ ელ.ენერჯის დატაცების ფაქტი. საქმეში დევს დადასტურება, რომ შპს „ეიჩ-2“-ს ეცნობა საქმის განხილვის დროისა და ადგილის თაობაზე, თუმცა სხდომაზე შპს „ეიჩ-2“-ს წარმომადგენელი არ გამოცხადდა. გამოუცხადებლობის საპატიო მიზეზებისა თუ სხდომის გადადების თაობაზე არანაირი განცხადებით კომისიისთვის არ მოუმართავთ. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „ეიჩ-2“-ს (ს/კ 445521506) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

.....

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის 12.08.10 #14 და 28.06.21 #19 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, სს ენერგო-პრო ჯორჯიას დირექტორთა საბჭოს თავმჯდომარის 26.01.2022 OR #2022001 ბრძანებით და

დავადგინე:

6. შპს „ეიჩ-2“ (ს/კ 445526093) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნინელი ბოჭორიშვილი

